

中國近代學人文集初編④

朱希祖先生文集
(一)

俞大維題



朱希祖先生文集

(一)

俞大維題



朱希祖先生文集 (一)

發行人：江九思

九思叢書 ⑦〇

發行所：九思出版有限公司

局版台業字第一五七九號

台北市新生南路一段一六〇巷一—九號

電話：三四一九九〇五

印刷所：七海印刷有限公司

中華民國六十八年五月二十日台一版

郵政劃撥：一〇八四九八「江九思」帳戶

定價：

(一)至(六)每冊新臺幣二五〇元
每套六冊共新臺幣一五〇〇元



朱 希 祖 先 生

朱希祖先生小傳

羅香林

一 行 誼

先生姓朱氏，諱希祖，字邁先。其先系出吳郡，後遷歙，再遷婺源。宋季其遠祖有勉軒公者，官海鹽縣主簿，始占籍海鹽。初居城東，越二傳，遷尚胥里上水村。至先生已六百餘年矣。歷世以文節著稱。高叔祖虹舫公，嘉慶辛酉進士，翰林院編修。曾叔祖朶山公，道光丙戌進士，殿試第一，授翰林院修撰。父永槃公，以篤學力行，爲鄉里所重。先生兄弟四人，居長，聰穎獨絕，幼受庭訓，即有志於經史之學。年十四，永槃公卒，先生抱恨終天，而治學日勵。顧家道中落，不得已就館他邑，撫育諸弟。

光緒三十二年，考取官費，赴日留學，肄業東京早稻田大學，專治歷史。時餘杭章太炎先生炳麟，以碩學通儒，倡言革命，東走日本。先生與蘄春黃侃季剛，歸安錢夏玄同，杭縣許壽裳季猷，紹興周樹人豫才等，共執禮受業。又於大成學校，請章先生講說文音韻諸學。而國父孫公中山，適聚全國志士於日本，成立中國同盟會，創民報，鼓吹革命，演講三民主義，先生時往聆講。始欲以明季歷史，揚民族大義。宣統元年，學成歸國，任嘉興浙江第二中學教員，以革命學說，灌注羣士。辛亥，武漢揚靈，全國響應，先生爲一邑之望，被推爲海鹽縣知事，翊贊民國，閭里以安。在任半載，百廢俱舉。惟以學

人而主理邑政，非所素期，乃辭縣知事職，就浙江教育廳事。去職日，邑人扶老攜幼，遮道請留。蓋其惠澤及人深也。

民國二年正月，教育部召集國語讀音統一會於北京，延專家若干人，各省選派二人，蒙藏代表一人，華僑代表一人，出席會議。嚴限資格：一須精通小學，二須旁通一種或二種以上外國文，三須諳曉多處方言。使審定一切字音，頒爲國音，復將國音析爲單純音素，歸納音素總類，從而采定字母，每一音字，以一字母表之。先生奉派出席，共推吳稚暉先生敬恒爲議長。凡月餘，審定國音七千餘字，卽議審核音素，采定字母。代表盧贛章等，議自定符號；楊曾皓等，議以羅馬字爲字母；王怡安等，議采漢字偏旁爲字母，衆說紛然，爭久不決。先生獨議，擇古文篆籀徑省之形爲字母，既采其形，復符本音。凡聲母二十四，韻母十二，介母三，稱注音字母。吳先生與各代表，以先生此議，貫穴文字音韻，而簡易理得，遂決議通過。國語有注音等號，蓋自先生始也。由是名動京師，國立北京大學聘爲教授，旋兼清史館編修。會袁世凱密謀帝制，總纂趙爾巽實贊翼之，先生憤而辭職。嗣改任北京大學中國文學系主任，及史學系主任。主講史學通論、中國各斷代史、及中國文學史等，莫不鉤深致遠，條理縝密。

時紹興蔡子民先生元培，繼長北京大學，先生雅與相善，爲議改革學風。而新聘教授績溪胡適之先生適等，遂以新文化運動號召國人，先生與諸教授，相與上下其議論，提倡語體文學，及民治與科學諸思想。而北京大學史學系，首以科學方法，爲治史階梯。謂歷史爲社會科學之一，欲治史學，必先通政治、經濟、法律、社會、諸學。而於史實考證，則首重原始資料，與實物證據，坊間輾轉複製資料，決不輕用。時內閣大庫檔案初出，無識者棄之如遺，而一二好古之士，又復擇其精者，以賤價私運。

先生獨請北京大學、購其殘餘，自率學子，部別整理。謂治史須如此爲直接研討，海內從之，蔚爲風氣。吾國史學，至是躋於科學之林。十二年夏，應陝西劉鎮華之請，與陳百年先生大齊等，聯袂西上，入關講學，遍謁漢唐陵寢，廣蒐關中古蹟，所得古籍及拓本，盈箱滿篋。旋北遊大同、訪雲岡造像。十一月，應武昌高等師範電請，與北京大學教授多人，南下講學。適京漢鐵路不戒罷工，乃繞道上海，代表北京大學教授，謁國父孫公中山，報告學術界景況。於是北方文化界與國民黨合作，益形密切。十五年夏，張作霖自瀋陽入京，自署大元帥，命劉哲總教育，改組北京大學，所爲多不類，先生却不與見，改就國立清華大學教授，兼輔仁大學教授。十七年，國民政府統一全國，北京更名北平，北京大學，亦慶復校，先生回主史學系事，兼國立清華大學等校教授。以史學廣博，非有學會觀摩，不足盡萃羣英，憲章幽賁，乃發起中國史學會於北平。十九年，改就中央研究院研究員，旋即辭去。

會日本發起九一八瀋陽事變，大舉侵陵。先生痛國難深重，益欲纂述南明史乘，適鄒海濱先生魯，重長國立中山大學，電聘先生爲文史研究所主任，先生以兩粵爲南明諸王興兵抗滿之所，適於蒐集實地資料，而中山大學爲國父所創立，關係中國學術前途至鉅，彌願往焉。乃於是年十月，泛海南下，過江寧時，順道訪朱明舊院遺址，搜求明季史蹟。在粵講學，輒與南中人士，訪古問奇，所得南明史料，及兩廣方志尤富。二十三年春，應門人羅志希先生家倫之聘，爲國立中央大學史學系主任。乃辭中山大學職務，移居南京。會門人傅沐波次長汝霖，於內政部兼中央古物保管委員會事，力請先生兼任委員。先生主張於古物保管外，兼爲南京近郊古蹟考察。因率會中人士至江寧、丹陽、當塗、等地。調查六朝陵墓。跋涉二年，不憚艱險，凡發現六朝陵墓十三處，爲測量攝影，鈎稽考證，著六朝陵墓調查報告書。

，非第究其石刻淵源，且復明其制度底蘊，近世言考古學者，莫之能越。時承學之士，方請章太炎先生、設國學講習會於吳縣。先生應章先生之請，月往講學。每一講訖，羣士嗟嘆，章先生亦爲贊許。先是，先生與章先生，師生之誼甚篤。當民國四年，袁氏陰謀帝制，章先生適居北京錢糧胡同，力數其非。袁氏遣軍警包圍，名爲保護，實以禁守。章先生大節懷然，絕粒以示不屈。賴先生奔走營救，始終不渝。章先生病甚，呼之榻前，太息言曰：余爲國絕粒，雖以身殉，亦無遺憾。余歿後，經史小學，傳者有人，光昌之期，庶幾可待，文章各有造詣，無待傳薪，示之格律，免入歧途可矣，惟諸子哲理，恐成廣陵散耳。先生爲溫語慰之。而袁氏懼蒙殺士之名，遂復章先生自由。其後章先生雖鮮居北京，然於先生則音訊彌密。嘗戲謂諸弟子：黃季剛爲天王，汪東旭初爲東王，先生爲西王，錢季中爲南王，吳承仕檢齋爲北王。又自撰年譜，謂弟子成就者，蘄春黃侃季剛、歸安錢夏季中、海鹽朱希祖孟先、季剛、季中，皆明小學，季剛尤善音韻文辭，孟先博覽，能知條理，其他修士甚衆，不備書也。先生旣服膺師道。嘗自謂所學得章先生之實，未得章先生之華，華實兼資，乃臻上乘，此後宜救其偏。二十五年六月十三日，章先生卒於吳縣。先生聞耗大慟，馳往舉喪，守廬不忍去，蓋不獨爲私痛也。

時東亞風雲日急，二十六年八月，政府明令對日抗戰，全國奮勵，中央大學奉命西遷。先生於十一月隨校入蜀，卜居重慶南岸袁家花園。雖骨肉離散，親朋寥落，而感懷國難，教學不歇。會教育部擬頒大學課程標準，徵求意見。先生復議，謂大學各系課程，自須由部規定原則，使爲遵守，而課目可令依實情酌定，報部審核，至歷史學系，則不外應用與學理二途，大學教育，以學理爲重，以期發明，其應用則師範學院任之，而就學理言之，則目的有二：一則發明歷史真相，除通史及社會、政治、經濟、諸

學，爲必修科外，須以考古、地史、人類、人種、語言、諸學，及人文地理，吾國文字學，古文書學等，爲必修科，而以各種國別史如英、美、德、法、日、俄等國史爲選修科，或更以專門史如社會史、經濟史等輔之，二則發明歷史真理，則除通史及社會、政治、經濟、諸學外，須以心理學、論理學、歷史哲學等爲必修科，而以各種專門史如社會史、經濟史、哲學史、美術史、宗教史等，爲選修科，或更以人文地理學、人類學輔之。至如史學方法論、史學概論、史學原理等，內容都相通者，用其一種足矣，史學史、史學舉要，亦當用其一種，不必重設。舉史學應用，與闡明真理真相，爲治史鵠的，從而釐定課程，雖偏激者無以易之。而先生之意，則尤在藉歷史以綿延民族國家。

會中國國民黨於二十八年正月，召開第五屆五中全會。先生與友人張委員繼，建言設總檔案庫與國史館，草定議案，由吳委員敬恒、張委員繼、鄒委員魯等提出。其略曰：中國國史，不可自吾黨而絕，猶中國國祚，不可自吾黨而亡。良隸民族之所以悠久，國家之所以綿延，全賴國史爲之魂魄，美洲之紅種、非洲之黑人、中國之蠻貊、日本之蝦夷，惟其無歷史，是以不能建立國家，蕃衍種族。中國在宋末，曾滅於元，不百年而復，明末又滅於清，不三百年而復。蓋吾族自有其歷史，決不甘屈伏於他族之下。是故亡史之痛，甚於亡國。國亡而國史不亡，則自有復國之日，何則，其魂魄永在，決不能消滅也。自古以來，滅人之國，必以其歷史爲先務，端隸於此。古人有言：國必自伐而後人伐之。則史亦必自滅然後人滅之。惟中國綿延不絕者，端賴歷史悠久，取精多而用宏，其勢然也。然則自吾祖宗締造歷史，歷史廣續，未有中絕，垂四五千年，而光昭天壤，世界各國，無與倫比，國土之大，人口之衆，皆受歷史精神融鑄，斷然不可分割。爲子孫者，豈可妄自菲薄，不爲之繼續撰述，傳之無窮，而自儕於無史國

家乎？夫欲續歷史，不可不設國史館，欲保存史料，不可不設檔案總庫。蓋國家檔案，爲史料之淵海，國史之根柢，實爲至高無上之國寶，當局締造經營之苦心寄焉，國民勞苦之精神繫焉，故保存之方，尤宜盡力講求。中華建國以來，南北政府檔案，以不甚重視，散佚不少。國民政府成立後，行政院曾在南京特設檔案庫，以收藏北政府之內閣及各部殘存檔案。抗戰以來，行都設於重慶，當倉皇播遷之時，自國府以及各院部會檔案，聞亦有散失棄去者，淪陷區之省府檔案，更無論矣。其北平舊閣部檔案，恐又不免遺失。以國家如此重寶，付之於不知愛惜者之手，宜其棄之如敝屣也。吾國歷代史官制度，史籍撰輯，記載頗詳。惟平日保存政府檔案，以爲史料淵源者，略而不記。惟宋史職官志，有主管架閣庫，掌儲藏帳籍文案，以備用，選擇人有望望者爲之。惜其制度，尚未完備。惟周禮春官，天府一職，掌祖廟之守藏，凡國之玉鎮大寶器藏焉，凡官府鄉州及都鄙之治中，受而藏之，以詔王察羣吏之治。此爲保存檔案最善之法，檔案保存於祖廟之守藏，與國之大寶器同掌於天府，則視檔案亦如國之重寶，尊之至，重之至也；若遷都，則檔案與國之大寶器，隨祖廟之遷移，則莫敢不視爲先務，而有遺棄散佚之事也。由今觀之，周官保存檔案之術，雖可師法，然尚嫌太繁。宜採英國監皮書制度，將全國重要案卷，分爲二期：一爲當時可發表者，即印於時政記，而公布發賣，使國民咸知，則此類檔案，已保存於時政記，藏於圖書館，可不煩再爲錄副，特別保存；一爲秘密檔案，一時不可發表者，則存於特別檔案庫，而嚴密保存，將來即可用爲史料。如此則保存檔案之法，簡而易守。總檔案庫設於國民政府，所藏皆各院部會之機密重要檔案正本。國府文官長管其鑰，更師古代金匱石室遺意，特造鋼骨水泥之地下庫，而以鐵匣藏其中，國之重寶，可同藏焉，各院部會自藏其副本，俟時效已過，或取出發表於時政記，或終藏於

檔案庫，將來擇其宜者，作爲史料。至於國史，則中華建國二十八年矣，國史之館，未嘗設立。然而政府命令，每當大員捐館，必云宣付國史館立傳。夫既無史館，於何宣付，既無史職，誰爲立傳。原當局之意，未嘗不知國史館之重要，賞冀建立，以揚耿光，故必垂之命令，豈欲徒託空言。徒以倡導無人，規畫無術，貽誤蹉跎，遂爲闕典，及至抗戰，又視爲不急之務。不知存亡絕續之交，史務尤宜重視，捐軀報國，毀家紓難，以及內政外交，軍務戰績，非有專職記載，何以鼓舞羣倫，宣徵來牒。吾國史務之最完備者，莫如唐宋。書榻前論議之辭，則有時政記；記時下見聞之實，則有起居注，類而次之，謂之日曆，修而成之，謂之實錄。於是宣付史館，匯爲史料，旁稽野史外記，博採文集奏疏，分期選進，謂之國史。今起居注、實錄、宜廢，時政記、日曆、宜復。惟有二事，宜顧慮者，史官位望較輕，高級衙署不受約束，難以取匯史料，一也；事關機要，須守秘密，行政當局不敢盡情供給史料，二也。此類史例，史不絕書，是以唐宋二代，多以宰相監修國史。時政記房、日記所、國史院，往往直隸於中書、門下二省。今擬時政記、日曆、國史、統歸國史館撰輯，而國史館直隸於國民政府，其館即設於府內，與總檔案庫相近，而以監察院院長爲監修國史。詩云：既立之監，或佐之史。雖詩所詠別爲一事，然監與史，性質稍相近，可相輔而行，且位尊而事易集也。時政記、仿宋三省與樞密院各撰彙送史館之例，可由五院及軍事委員會各選重大政要，可以發表者，月成一冊，各送史館。其事簡之院，可季成一冊送之。史館總合其事蹟，月撰一冊，或二冊，由監修核定排印，公布發賣，使國民咸知，此即英國藍皮書之成法，且可代替每月報告之政績書。其機密重大事件，俟時效已過，則每季或每年、總撰一冊，或二、三冊，以補之。日曆，按日記載軍國政要，積成編年史，與國史爲正史體裁，分爲紀傳表志者不同

。然二者各有所長，故前代未嘗偏廢。今國史體裁，或宜參酌新史，略爲變通，蓋本紀之名，今不適用也，而日曆則不能變。唐宋二代，每彙集時政記，及起居注，月成二冊，日曆則倍之。今既廢起居注，則撰日曆者，除憑藉時政記外，必宜日訪政要而記錄之，月終呈於監修核定。國史體例，已如上述，平日編纂典章制度，如前代之會要、會典等，以備纂修史志，日記職官除授，及統計提要，以備纂修史表。撰宣付史館所立名人傳，以備撰修史傳，除黨史編纂處所送黨史，及本館所撰時政記日曆外，內采國民政府總檔案庫之檔案爲史料。又當特設史館藏書所，以采集政府各種公報，及內外日報、週報、月報，以及私人筆記、日記、文集、詩集，與夫統計、年鑑、私史、外史、專史等，以補公家史料之不足。前代如唐宋二朝，每一帝必修一正史，今當以十年、或二十年、修一正史。民國元年以來至國民政府成立以前之國史，必宜先修。國史館既特設監修官，以修國史、日曆、及時政記，其下當設修撰官若干人，編修官若干人，纂修官若干人，以分修國史、日曆、時政記。以明於政治，深於史學，優於文藝，而有聲望之人充之，其制度職掌當別擬，上列保管檔案方法，及監修國史條例，謂宜將總檔案庫及時政記二事，急速先行創辦，以減少檔案之數量，改輕保管之繁重，俟各項略有端倪，規模粗立，然後規畫日曆、及國史。如此，則次序井然，有條不紊，實施既易，成效可期。是否有當，伏祈公決，總裁蔣公，與出席委員，皆建其議。決議交國民政府實施。嗣國府幾經籌議，至二十九年二月，遂成立國史館籌備委員會，以國民政府委員張繼、鄒魯、葉楚傖、鄧家彥、胡毅生、王伯羣、楊庶堪等七人爲委員，張爲主任委員。決議聘先生爲總幹事。賃會址、延專才，商榷史例，部署會務。百端草創，先生之力爲多。監察院劉委員成禺，作詩紀曰。廢絕梨洲徵李野，忽開史館雜旌旆。十年建國無文字，今日行都

見鳳毛。其推重如此。

是年三月，國民政府簡任先生爲考試院考選委員，先生籌謀修史，襄政試政，往返跋涉，精力交疲。乃辭去中央大學史學系主任及教授職務。時值敵機肆虐，往往喘息未定，即須進防空洞避襲；因自袁家花園、移居歌樂山向家灣。而巴渝多霧，氣候常溫，加以山高，冬多鬱雨，夏多蚊蚋，飲水不潔，常生疾病。國史館籌備委員會，雖規則多經草擬，而未能即爲實施。因辭去總幹事職，專任考選委員，並悉力著述。

二 學 術

先是，先生以學術爲懷。自教授北京大學，即以新史學爲己任，於蕭梁及明季歷史，尤悉力赴之。而修史以蒐集資料與考訂史實爲基本，故又勤求放佚，歷覽名山大川，究其鴻文秘蹟，爬羅散萃，考覈異同。史學既以獨深，而目錄、板本、校讐、考古、諸學，亦旁通焉。所著新梁書，已成藝文志四卷。南明史，則成明季史籍題跋六卷。板本目錄，則成鄮亭藏書題跋記四卷。而於史學考證，論文尤富。類能批竅蘊奧，多所發明。常擬刊爲史學叢考，以示學術之公。迨九一八事起，倭人亟謀鯨吞中國，嗾使羣奸，組織偽滿。而抗戰未幾，偽汪復爲之用，先生憤日寇全襲金人封建張邦昌與劉豫故智，因勾稽兩宋史料，撰偽楚錄輯補六卷，偽齊錄校補四卷，偽齊國志長編十六卷，冀以發日寇之奸謀，覺二僞之迷夢也。而楊公事蹟考證二卷，亦於此時撰述。既而播遷巴渝，環境移易，乃擬選述春秋、戰國、嬴秦歷史。謂春秋、戰國、學術思想，照耀寰宇，嬴秦以法爲治，立中國統一始基，中國有戰國嬴秦，猶西洋

有希臘羅馬也。先是，先生好書至篤，居常節衣縮食，悉力購蓄，所藏無慮萬數千種。自東北淪陷，長城不守，燕雲岌岌，乃於民國二十二年、二十五年、三度北上，運書金陵。復於二十五年，遍訪浙東皖南，勘察地勢，準備遷移。迄抗戰軍興，金陵被炸，遂搶運而西，不避溽暑，窮二月餘，始將藏書之半，遷至山地。而道途梗塞，不克再遷。所藏分散南北，史料無以自隨。蕭梁南明二史，不及卒業。惟春秋戰國至秦史事，具見羣經諸子，蜀中舊藏略備，克以秉筆撰述。而史遷所記戰國時事，往往與汲冢竹書有異，因詳考汲冢發現事蹟，以爲史料參證依據，著汲冢書考五卷，戰國史年表八卷。蓋先生以史學方法治經，以論理學方法解決一切疑難，不直古文今文家門戶之見，謂真偽問題，須爲客觀判斷，不宜偏任主觀，憑空臆說，只須客觀條件具足，其事卽爲可信，非大言虛說，所得抹殺。中國古代史料之大發現有三：一爲孔壁古經之發現，二爲晉代汲冢古書之發現，三爲近代殷虛甲骨文字之發現，皆關係至鉅。蓋有孔壁之古經發現，而後有兩漢古文經學，有殷虛甲骨之發現，而後有近代古文文字學，獨汲冢發現，未爲學術洪流，則史家偏任主觀之過也。及國史館籌備委員會成立，乃爲釐定國史事例，著史館論議三卷，繁徵博引，言修撰國史者，莫之能先。繼而辭去史職，會日人以中國抗戰，勢不可屈，發動太平洋戰事，引起英美等國與吾國一致對日宣戰，使日寇困於堯中，中國自積弱垂危之國，一躍而爲獨立自主之邦，千秋不拔之基，萬世無疆之烈，可踴足而俟其成。先生從事史學，四十餘年，值此時會，益欲珥筆執簡，以紀不朽之盛業。蓋其著述之勤，老而益奮。故其感人，亦彌深也。惜播遷體弱，竟以著作致病，然猶強自支持，筆不停揮。家人請少休息，則曰：吾以此爲樂，舍此將安適耶。而病況日重，至民國三十三年正月，哮喘益劇，肺腫甚，始進醫院治療。至七月五日，疾革，春秋六十有六。一代史

家，遽爾長逝，大業未竟，寰宇痛之。夫人張維女士，早歲倡辦女學，而淑德懿能，尤能使先生優悠述作，子女六人，女俠，北京大學國學門研究所畢業。長子傑，德國柏林大學經濟學博士。次子侃，北平大學農學士。三子僑，北京大學法學士。四子倬，中央大學理學士。五子佑。

先生畢生治史，最重氣節，明是非，藏書外，無恒產。而高風亮節，不可企及。其爲人尤富民族情感，以邁行無倦爲主。嘗謂中國思想，以易經既濟、未濟、而爲無窮遞進、爲高妙。世人以道家思想頗出於易，多宗信之，實則易之時義，富積極精神，與邁進理想，道家欲復人世於太古，與進化之旨相悖，賢者無取焉。唯其深情無極，故雖生平以治史名世，而偶一爲詩，直逼陳王。嘗自吟云：寶書搜海瀝，墮簡網江湄，冀發興亡恨，聊書感慨悲。蓋紀實也。所作天都烈士歌，尤傳誦遠近，而先生顧慊如也。夫其約古文彖稿省形爲注音字母，以冀讀音統一也；倡導科學方法，以冀確立新史學也；首議纂述國史，發揚修史義例，以冀緜延國族靈魂也。網羅放佚，蒐討舊聞，以冀保存國家文獻也，著述不懈，闡發真實，以冀繼往開來，痛絕強寇，揭發奸邪，以冀培養正氣也，皆非至仁、至智、至勇者、不克臻此。其學術道義，繫於世運旋轉，是以國民政府特爲明令褒揚，意至深也。

朱希祖先生文集要目

第一冊 中國文學探源

上篇 中國古代文學史·····	總頁·····	一
中篇 中國文學史要略·····	總頁·····	二九七
下篇 文學述論·····	總頁·····	四五三

第二冊

史學通論·····	總頁·····	六二七
史館論議·····	總頁·····	一〇〇一

第三冊

史實考證 先秦篇·····	總頁·····	一二七九
史實考證 漢至唐·····	總頁·····	一三九三

第四冊

史實考證 宋代篇·····	總頁·····	一九五三
---------------	---------	------

第五冊

史實考證 明清篇

總頁：二八二

第六冊

酈亭詩鈔

總頁：三六二

酈亭題跋二十二篇

總頁：三六四

酈亭讀書記

總頁：三七八

酈亭粵行日記

總頁：三八二

朱邊先先生年譜

總頁：四一九

朱邊先先生哀輓錄

總頁：四三六